



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 127. Responsum ad hunc libellum.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI.
A. C. 1566.

„supplices rogamus, milites nuper con-
 „tractos dimiserit, & edicta pactis con-
 „traria revocaverit: hac enim ratione
 „adeo nos Regi, ejusque Celsitudini
 „erimus obstricti, ut fortunas nostras,
 „ac vitam ipsam utriusque dignitati
 „posthabitori simus: secus vero præ-
 „videmus animo magnam populorum
 „cædem, imminentemque patriæ rui-
 „nam, quam prædixisse, & quantum in
 „nobis fuerit, avertisse, satis nobis est:
 „interim quamvis hæc mala nobis
 „justam inferant afflictionem, id
 „saltem solatii nobis erit reliquum,
 „quod nulla nobis culpa imputari
 „potuerit.,

§. CXXVII.

Responsum ad hunc libellum.

Hoc postulatum Gubernatrix in fe-
 cretiori Senatu recitavit, paucis-
 que post diebus communicatum cum
 eisdem Senatoribus responsum Brede-
 rodo misit, in quo hæc exponebantur:
 „Mente non assequor, qui Nobiles sint
 „ii, quique populus Belgarum, quo-
 „rum nomine hæc literæ fuerunt missæ,
 „cum plerique eorum Nobilium, qui
 „Aprili mense supplicarunt, non modo
 „satisfactum jam sibi contestentur, sed
 „etiam quotidie operam suam Regi
 „oblatum veniant: porro Conciones a
Hist. Eccles. Tom. XLVII. P p „me

Sæcul. XVI. „me tantummodo fuerunt permissæ,
 A.C. 1566. „idque animo sat repugnante, nec ta-
 „men unquam potestatem feci, Eccle-
 „siasticos Senatus instituendi, creandi
 „Magistratus, tributa imperandi, cor-
 „rogandique super vicies centena flore-
 „norum millia, catholicorum, hæreti-
 „corumque matrimonia, atque adeo
 „successiones, honoresque confundendi,
 „minus vero permiseram Calvinianas
 „cœnas, & quotidianos cœtus, in quo-
 „rum plerisque cum Principis, & Magi-
 „stratum auctoritati palam derogetur,
 „ac nova paulatim Respublica induca-
 „tur, ipsimet perpendite, quam verifimi-
 „le sit, quod hæc, quæ tamen vos tan-
 „quam cœremonias Religionis inter-
 „pretamini, tanta cum divinæ Majesta-
 „tis, & Regis injuria peragi indulserim:
 „securitati ecquidem vestræ cautum a
 „me fuit, cautioque servata, ac servan-
 „da etiamnum, non tamen in iis, quæ
 „adversus Religionem, ac Regem per-
 „petrantur: de cetero cur vos, qui vio-
 „latam fidem queri non abhorretis, si-
 „lentio transmittitis, post acta, con-
 „ventaque Augusto mense, nihilominus
 „tam multa perfide, ac sacrilege pa-
 „trata, templa direpta, eaque ejectis
 „inde Religiosis familiis occupata, con-
 „ciones advocatis aliunde hæresum
 „buccinatoribus, eo, ubi auditæ antea
 „non

Sæcul. XVI.
A.C. 1566.

„non fuerant, vi, atque armis inductas,
„urbes, atque provincias ad seditionem,
„defectionemque literis, aut per emis-
„sarios sollicitatas, aliaque, quorum
„authores fuistis vos ipsimet, qui nunc
„supplicare audetis? vestro nimirum
„patrocinio populus auus est tormen-
„ta bellica, munitionesque Regis in-
„vadere, Principis ministros expel-
„lere, exercitus conducere, atque ad
„tympanorum sonitum in aciem pro-
„dire: cœnobîa, ædesque nobilium fer-
„ro, flammaque vastare, urbes occupa-
„re, Catholicos omnes, ne me quidem
„excepta, ad cædem designare, ingen-
„temque universo Belgio cladem oc-
„culte moliri, nisi interceptis nefario-
„rum literis ad Valencenales, execran-
„dis adeo consiliis divina bonitas in-
„tercessisset. Porro ex his omnibus
„ipsimet intelligere potestis, quam im-
„portune postuletis, ut abrogentur e-
„dicta, ac milites exauthorentur, sicque
„exarmata in hunc modum iustitia im-
„proborum injuriis, ac contemptibus in-
„feliciter exponatur: ast neutrum, ne
„vos ignoretis, me facturam palam
„profiteor, imo potius novis, si opus fue-
„rit, legibus, atque militibus firmabo in-
„de Rempublicam, gladiumque, quem
„portare Principes voluit Deus, hoc
„maxime tempore non deponam. Sua-
„deo

Sæcul. XVI.
A.C. 1566.

„deoque vobis, ut a publicis cer-
„te negotiis abstineatis, ac res quisque
„ex vobis suas in posterum curet: ne
„Regem brevi affuturum ingenitæ be-
„nignitatis, ac clementiæ oblivisci co-
„gatis: omni equidem ope curabo, ne
„illam, quam vos comminamini, rui-
„nam per hosce vulgi tumultus, ac po-
„puli seditiones Belgium patiatur,„

Hæc Gubernatricis responsio
mox typis vulgata
prodiit.



INDEX